



三集第三種

佚禮扶微

敘

緝佚禮何仿也仿於宋之王厚齋元之草廬先生也厚齋困學紀聞云天子巡狩禮朝貢禮王居明堂禮烝嘗禮朝事儀見於三禮注學禮見於賈誼書古大明堂之禮見於蔡邕論雖寥寥片言如斷圭碎璧猶可寶也草廬采小戴授壺奔喪大戴公冠諸侯遷廟諸侯釁廟及鄭注引中霤禘於太廟王居明堂禮合爲儀禮逸經八篇自敘謂片言隻字之未泯者猶必收拾而不敢遺亦我愛其禮之意也然朝事儀見於大戴記學禮亦見保傅篇非逸也而厚齋逸之失矣巡守朝貢烝嘗之禮近載鄭注是逸也而草廬不逸之又失矣然則寶斷圭碎璧者愛玉璞而誤鼠腊收片言隻字者掎星宿而遺羲娥二公之所逸未能盡其逸也蒙暇日瀏覽羣書左右采獲久之成裘乃重加排纂系

以鄙說首佚經次佚記次佚文次附錄取東漢章帝詔書
扶微學之語命之曰佚禮扶微其不曰逸而曰佚者何也
尚書無逸史記作無佚漢熹平石經書逸字皆作佚說文
不載逸字當從古文作佚也語曰剏始者難爲力繼事者
易爲功碌碌者因人成事良用自愧若二公者其猶大輅
之有椎輪繪畫之後素功歟

嘉慶著雍攝提格之歲陽月旣生霸射陽丁晏撰

佚禮扶微目次

卷一

佚經

天子巡守禮

王居明堂禮古大明堂之禮

朝貢禮

軍禮

禘於太廟禮禘於太廟禮

烝嘗禮

中霤禮

奔喪禮

奔喪

投壺

諸侯遷廟

諸侯鬯廟

夏小正佚文

公冠自奔喪至此六篇有錄無書

樂經

卷二

佚記

五帝記

號謚記

謚法記

親屬記

別名記

辨名記

王度記

三正記

王霸記

書史記

青史氏記

青史子

祭典

聘禮志

大學志

昭穆篇

本命篇

瑞命篇

遇禮

迎禮

親迎禮

魯郊禮

禮服傳

禮傳

檀弓

王制

明堂月令

月令記

曾子記

文王世子

藝文類聚引逸禮



佚禮扶微卷一

山陽丁 晏檢卿輯

佚經

晏曰漢藝文志禮古經五十六卷今所傳者僅儀禮十七篇鄭注稱古文者卽淹中孔壁之所得稱今文者卽高堂生后蒼大小戴慶普別錄之所傳也十七篇之外餘三十九篇漢世謂之逸禮故班志謂禮古經出於魯淹中及孔氏多三十九篇劉歆移書云魯恭王得古文於壞壁之中逸禮有三十九孔安國獻之賈公彥士冠禮疏云魯恭王壞孔子宅得古儀禮五十六篇其字皆以篆書是爲古文古文十七篇與高堂生所傳者同而字多不同其餘三十九篇絕無師說秘在於館玉海卷四十二引桓譚新論古佚禮記五十六卷併逸禮與儀

禮言之正合禮古經之篇數也惟投壺孔疏云漢興始於魯淹中得古禮五十七篇其十九篇與今儀禮正同其餘四十篇藏在祕府謂之逸禮又引六藝論云孔子壁中得古文禮五十七篇較漢志又多一篇嘗疑其篇數不合及考王充論衡正說篇云孝宣皇帝之時河內女子發老屋得逸禮一篇奏之宣帝下示博士然后禮益一篇始知逸禮三十九篇宣帝世又得一篇故鄭君言有四十篇也漢書平帝紀元始五年徵天下通逸經古記儒林傳平帝時立逸禮然亡新之亂不久旋廢迨東漢其傳遂微康成伯喈諸大儒猶間見之隋唐之代寢以亡失嗚呼漢初古學漸興好之者有獻王得之者有安國然今所傳者僅有儀禮周官及毛詩左氏傳耳若孔壁之論語孝經已歸烏有鄭注逸書二十四篇唐

孔氏妄斥爲張霸僞書卒使眞者亡而贗者出以古文之卓然正傳而不免摧折於流俗日銷月鏤以至於亡獨逸禮也歟哉

天子巡守禮

制幣丈八尺純四狝

周禮天官內宰後鄭注引天子巡守禮疏云趙商問云天子巡守禮制丈八尺

八尺純四狝何答云巡守禮制丈八尺入寸四尺三寸又大廣四當爲三三八二十四二尺四寸幅廣也古

三四積畫是以三誤爲四也

無六軍之文

毛詩時邁正義雜問志稱天子巡守禮

王者以巡守之禮尊天重人也巡狩者何巡者循也狩牧

也謂天子巡行守牧也

文選西都賦李善注引禮記逸禮

王者必制巡狩之禮何尊天重民也所以五年一巡狩何

五歲再聞天道大備所以至四岳者盛德之山四方之中

能興雲致雨也巡狩者何巡循也狩牧也爲天巡行牧民

也太平御覽禮儀部引逸禮

晏案文選注御覽所引逸禮當卽古巡守禮文敬并矣
於後白虎通巡狩篇曰王者所以巡狩者何巡者循也
狩牧也爲天下循行守牧民也又曰五歲再習天道大
備故五歲一巡狩與逸禮說同孟堅其亦依歸古禮而
爲之歟

王居明堂禮古大明堂之禮

出十五里迎歲 帶以弓韉禮之謀下其子必得天材

季春出疫於郊以攘春氣 毋宿于國 仲秋九門磔攘

以發陳氣禦止疾疫 仲秋農隙民畢入於室曰時殺將

至毋罹其災 季秋除道致梁以利農也 孟冬之月命

農畢積繫收牛馬 季冬命國爲酒以合三族君子說小

人樂以上並禮記月令鄭注引王居明堂禮

仲秋乃命國釀

禮記禮器鄭注引王居明堂之禮

禮記禮器鄭注引

膳夫是相禮日中出南闈見九侯門子日側出西闈視五國之事日闈出北闈視帝節

續漢書祭祀志劉昭注稱蔡邕明堂論引禮記古大明堂

又別陰陽門南門稱門西門稱闈

同上蔡邕論引王居明堂之禮

晏案漢藝文志禮家明堂陰陽三十三篇班自注云古

明堂之遺事又明堂陰陽說五篇隋書牛宏傳劉向別

錄乃馬宮蔡邕論所見當時有古文明堂禮王居明堂

禮明堂圖明堂大圖明堂陰陽泰山通義其書皆亡今

考大戴禮保傅篇引明堂之位盛德篇載明堂月令鄭

君駁異義謂盛德篇云似秦相呂不韋作春秋時說者

蓋非古制惟小戴記有月令明堂位二篇於別錄並屬

明堂陰陽然則班志所載三十三篇今其存者二篇而

已鄭君月令注所引孔疏謂逸禮之篇名蔡中郎所引其目亦見於別錄皆逸經之僅存者也又後漢書張純傳稱武帝太山明堂制度疑卽別錄泰山通義今亦不傳惜哉案伏生鴻範五行傳曰季春之月出疫於郊以禳春氣仲秋之月乃令民畋醵庶眚畢入於室曰時殺將至毋罹其災季秋之月除道成梁以利農夫孟冬之月畢積聚繫牛馬收澤賦季冬之月命國爲酒以合三族君子說小人樂皆据王居明堂禮文

朝貢禮

純四只制丈八尺

儀禮聘禮鄭注引朝貢禮疏云周禮趙商問只長八寸四八三十二幅廣三尺

二寸大廣非其度鄭元答云古積畫誤爲四當爲三三咫則二尺四寸矣

晏案朝貢制幣與巡守禮同鄭君皆謂三誤爲四說文載籀文四作三與三字形相涉鄭說是也

軍禮

無干車無自後射

周禮士師鄭注引軍禮馬鄭注誓曰無干車無自後射

案夏官大司

據漢田律而言無干車謂無干犯他車無自後射象戰陣不逐奔走然則漢律亦有此文蓋依古軍禮爲說也

晏案周禮大宗伯之職以軍禮同邦國有大師大均大田大役大封之禮軍禮者固與吉凶賓嘉同爲邦國之五禮也玉海卷三十九引三禮義宗云儀禮吉禮三凶禮四賓禮三嘉禮七軍禮亡失慨自戰國之世縱橫捭闔權詐雜出而古之軍禮遂廢記曰以之軍旅有禮故武功成也若無禮軍旅武功失其制軍禮之亡豈細故哉孔叢子有問軍禮一篇考禮家多取之茲以其書僞託擯而不錄錄軍禮而僅載片語無取夸多志脊也卽重禮也

禘於太廟禮

禘於太廟禮

禘於太廟禮